



Հաստատված է  
«ՀԱՅԷԿՈՆՈՄԲԱՆԿ» ԲԲԸ Խորհրդի թիվ 29/10-27.09.2022թ. որոշմամբ

Ուժի մեջ է մտնում 03.10.2022թ.

Խորհրդի նախագահ

----- Ս. Սուքիասյան

**ԿԱՆՈՆԱԿԱՐԳ**  
**«ՀԱՅԷԿՈՆՈՄԲԱՆԿ» ԲԲԸ ԱՈՒԴԻՏԻ ՀԱՆՁՆԱԺՈՂՈՎԻ**

<b>ՓԱՍՏԱԹՂԹԻ ՓՈՓՈԽՈՒԹՅՈՒՆՆԵՐԻ ՊԱՏՄՈՒԹՅՈՒՆ</b>			
<b>Հ/Հ</b>	<b>Որոշման/Հրամանի ամսաթիվ</b>	<b>Որոշման/Հրամանի համար</b>	<b>Փաստաթղթի նույնականացուցիչը</b>
1	26.09.2019թ.	36/17-26.09.2019թ.	ISO/KG/A.7/041/26.09.2019/1
2	29.09.2020թ.	39/10-29.09.2020թ.	ISO/KG/A.7/041/29.09.2020/2
3	28.09.2021թ.	33/06-28.09.2021թ.	ISO/KG/A.7/041/28.09.2021/3
4	27.09.2022թ.	29/10-27.09.2022թ.	ISO/KG/A.7/041/27.09.2022/4

## 1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կանոնակարգը սահմանում է «ՀԱՅԷԿՈՆՈՄԲԱՆԿ» ԲԲԸ (այսուհետ՝ Բանկ) Առուիտի հանձնաժողովի (այսուհետ՝ Հանձնաժողով) կազմն ու կառուցվածքը, խնդիրները, գործառույթները, գործունեության կազմակերպումն ու ընթացակարգը:
- 1.2. Հանձնաժողովը հանդիսանում է Բանկի խորհրդին կից խորհրդատվական մարմին, որը ստեղծվում է Բանկի Խորհրդի որոշմամբ:
- 1.3. Հանձնաժողովն իր գործունեության ընթացքում ղեկավարվում է ՀՀ օրենսդրական և ենթաօրենսդրական ակտերի, ՀՀ ԿԲ կողմից ընդունված որոշումների, Բանկի ներքին իրավական ակտերի և սույն կանոնակարգի, Բանկի կառավարման մարմինների կողմից ընդունված որոշումների պահանջներով:

## 2. ՀԱՆՁՆԱԺՈՂՈՎԻ ՆՊԱՏԱԿԸ, ԳՈՐԾԱՌՈՒՅԹՆԵՐԸ

- 2.1. Հանձնաժողովի հիմնական նպատակն է Բանկի Խորհրդի աշխատանքների և նրա կողմից ընդունվող որոշումների արդյունավետության բարձրացումը, ներքին հսկողության համակարգի ուժեղացումը, ինչպես նաև Խորհրդի անդամների, Բանկի ղեկավարների, ներքին առուիտի ստորաբաժանման, արտաքին առուիտորի և ՀՀ կենտրոնական բանկի փոխգործակցության բարելավումը:
- 2.2. Հանձնաժողովի հիմնական խնդիրներն են՝
  - 2.2.1. Բանկի ռիսկերի կառավարման, ներքին հսկողության գործառույթների պատշաճ իրականացման ուսումնասիրումը և հսկումը:
  - 2.2.2. Ներքին առուիտի կողմից խորհրդին ներկայացված ստուգումների և հետստուգումային հաշվետվությունների ուսումնասիրումը:
  - 2.2.3. Արտաքին առուիտի առուիտորական եզրակացության (հաշվետվության և ղեկավարության նամակի) նախնական ուսումնասիրումը:
- 2.3. Հանձնաժողովն իր խնդիրներին համապատասխան կատարում է հետևյալ գործառույթները.
  - 2.3.1. Բանկի ֆինանսական հաշվետվությունների և Բանկի գործունեության ֆինանսական արդյունքների վերաբերյալ պաշտոնական հայտարարությունների արժանահավատության ապահովման գործընթացի վերահսկման (ստուգման) իրականացումը:
  - 2.3.2. Բանկի եռամսյակային և տարեկան հաշվետվությունների վերլուծության իրականացումը և դրանց հաստատման վերաբերյալ խորհրդին առաջարկությունների ներկայացումը:
  - 2.3.3. Բանկի ներքին հսկողության, այդ թվում՝ ռիսկերի կառավարման, գործող օրենքներին, իրավական ակտերին և այլ պահանջներին համապատասխանելու համակարգերի գործունեության ստուգման իրականացումը:
  - 2.3.4. Բանկի խորհրդին առաջարկությունների ներկայացումը Բանկի արտաքին առուիտորի ընտրության չափանիշների, վարձատրության և այլ էական պայմանների վերաբերյալ:
  - 2.3.5. Բանկի արտաքին առուիտորի անկախության, օբյեկտիվության և արդյունավետության վերահսկման ու վերլուծության իրականացումը:
  - 2.3.6. Տարեկան առնվազն մեկ անգամ արտաքին առուիտորի հետ հանդիպումը:

- 2.3.7. Բանկի արտաքին աուդիտորի հաշվետվությունների վերլուծության իրականացումը և համապատասխան տեղեկատվության տրամադրումը խորհրդին:
- 2.3.8. Բանկի արտաքին աուդիտորի առաջարկությունների իրականացման հսկողությունը:
- 2.3.9. Բանկի ներքին հսկողության համակարգի վերաբերյալ քաղաքականությունների մշակման իրականացումը և դրանց ներդրման հսկողությունը:
- 2.3.10. Խորհրդի նիստերում քննարկվելիք հարցերի նախապատրաստումը, մանրամասն ուսումնասիրումը և քննարկումը:
- 2.3.11. Բանկի ներքին աուդիտի ստուգումների արդյունքների մասին և հետստուգումային հաշվետվությունների նախնական դիտարկումը և առաջարկությունների ներկայացումը խորհրդին:
- 2.3.12. Ներքին աուդիտի ստորաբաժանման ամենամյա ստուգումների պլանի կատարողականի նախնական դիտարկումը և առաջարկությունների ներկայացումը խորհրդին:
- 2.3.13. Ներքին աուդիտի ստորաբաժանման հաշվետվությունների հիման վրա Բանկի խորհրդի կողմից տրված հանձնարարականների կատարման գնահատումը:

### 3. ՀԱՆՁՆԱԺՈՂՈՎԻ ԿԱԶՄԸ ԵՎ ՁԵՎԱՎՈՐՈՒՄԸ

- 3.1. Հանձնաժողովը կազմված է բացառապես խորհրդի անդամներից: Հանձնաժողովի անդամներից առնվազն մեկը պետք է լինի խորհրդի անկախ անդամ:
- 3.2. Հանձնաժողովի անդամ չի կարող լինել այն անձը, որը ներգրավված է Բանկի և դրա հետ փոխկապակցված անձի (անձանց) ընթացիկ գործունեության ղեկավարման մեջ:
- 3.3. Հանձնաժողովի կազմը հաստատվում է խորհրդի կողմից և չի կարող 4 հոգուց պակաս լինել: Հանձնաժողովն ունի հետևյալ կառուցվածքը՝ նախագահ, քարտուղար, որը ի պաշտոնե խորհրդի քարտուղարն է, և անդամներ:
- 3.4. Հանձնաժողովի նախագահը ընտրվում է Բանկի խորհրդի կողմից և պետք է լինի խորհրդի անկախ անդամ: Խորհրդի նախագահի և Հանձնաժողովի նախագահի պաշտոնները չեն կարող համատեղվել:

### 4. ՀԱՆՁՆԱԺՈՂՈՎԻ ՆԻՍՏԵՐԸ

- 4.1. Հանձնաժողովի նախագահը՝ սեփական նախաձեռնությամբ, Հանձնաժողովի անդամի, Բանկի խորհրդի, ներքին աուդիտի ստորաբաժանման ղեկավարի գրավոր պահանջով գումարում է Հանձնաժողովի նիստերը:
- 4.2. Հանձնաժողովի անդամները կարող են նիստերին մասնակցել իրական ժամանակի ռեժիմում հեռախոսային կապի, հեռուստակապի կամ այլ հաղորդակցական սարքերի միջոցով, որոնց շնորհիվ նիստին մասնակցող բոլոր անձինք ի վիճակի կլինեն լսել միմյանց: Նման ձևով նիստին մասնակցելը կհամարվի նիստին անձամբ ներկայություն:
- 4.3. Հանձնաժողովի նիստերը իրավագոր են, եթե անդամների առնվազն կեսից ավելին մասնակցում են նիստին:
- 4.4. Նիստերի արձանագրությունները վարում է քարտուղարը կամ նրա կողմից նշանակված անձը:
- 4.5. Արձանագրությունները ստորագրվում են նիստի մասնակից Հանձնաժողովի բոլոր անդամների կողմից:

- 4.6. Հանձնաժողովի նիստերի արձանագրությունները պահվում են առանձին թղթապանակներում՝ Բանկի Խորհրդում:
- 4.7. Հանձնաժողովի անդամ չհանդիսացող խորհրդի անդամները իրենց նախաձեռնությամբ կամ Հանձնաժողովի հրավերով կարող են մասնակցել Հանձնաժողովի նիստերին:
- 4.8. Հանձնաժողովի նիստերին կարող են հրավիրվել Բանկի աշխատակիցներ կամ այլ անձինք: